

ISLAM I MUSLIMANI U LITVANIJU

Još jedna baltička zemlja ima u svom sustavu muslimane zahvaljujući Tatarima s Krima koji su ovamo stigli u srednjem vijeku 1393 godine kada je tadašnji litvanski kralj pozvao muslimane Tatara s Krima da mu pomognu u ratu protiv europski napadača, ali i poslije 1944. godine kada ih je Staljin protjerao s Krima zbog navodnog njihovog saveza s nacističkom Njemačkom. Od prvobitnih muslimana vrlo ih je malo ostalo u vjeri jer je izolacija bila potpuna i vrlo duga od ostalog islamskog svijeta. U vrijeme dolaska prvih muslimana u Litvaniju sagrađeno je nekoliko džamija od kojih je četiri ostala sve do danas, a jedan od njih je i danas vrlo značajan u gradu *Kaunusu*. Bili su to pravi tatarski mesdžidi sagrađeni od drveta, uglavnom hrastovog. Džamija u *Kaunusu* stara je punih 600 godina.

Za vrijeme komunističke vlasti u Litvaniji su uništeni brojni mesdžidi, a naročito na selima jer su brojni Tatari upravo tamo živjeli. Bile su to drvene džamije sa isto tako drvenim munarama. Arhitektura drvenih minareta dospjela je i u Bosnu i vjerojatno je bila pod utjecajem tatarske arhitekture. Tatari su poznati i po tomu što su punu pozornost posvetili grobljima na koja su odlazili čak i klanjati, a i obavezno učiti Kur'an i dove svojim umrlim. Tatari u Litvaniji još i danas obilježavaju 30. travnja u znak sjećanja na njihov dolazak u ovu zemlju. Većina muslimana su krimski Tatari, ali ima i muslimana koji su za vrijeme komunizma stizali iz drugih muslimanskih dijelova Sovjetskog Saveza kao na primjer iz Tataristana, Beškirijske i drugih republika. Pored spomenutih muslimana ima i oko 250 studenata iz arapskih i islamskih zemalja, ali i Čečena, Azerbejdžanaca koji su stekli litvansko državljanstvo.

Prema rezultatima popisa pučanstva iz 2001. godine u Litvaniji živi 2800 muslimanki i muslimana ili 0,5% od ukupnog broja stanovnika. Većina muslimana živi u gradovima, ali nekoliko stotina njih žive i na selima.

Muslimani Litvanije imaju običaj pozivati na iftare u džamije gdje se okupi veliki broj postača, i tako rade po nekoliko puta tijekom ramazana. Također muslimani tijekom ramazana organiziraju karavane misionara obilazeći muslimanska sela, drže predavanja i obnavljaju međusobna poznanstva. Naročito su litvanski muslimani obazrivi prema gostima koji im nerijetko dolaze u posjet tijekom ramazana. Muslimani Litvanije imaju dobre odnose s muslimanima u Poljskoj, Rusiji i drugim susjednim zemljama.

Kao što se daje zaključiti stanje islama i muslimana mnogo je bolje nego u Estoniji. Upravo se prošle i ove godine vodi kampanja prikupljanja sredstava za izgradnju džamije i Islamskog centra.



Džamija u gradu Kauno, stara 600 godina, prvobitno je bila od drveta, a onda obnovljena u kamenu



Drvena džamija u Luskesu



Džamija u selu Raizai



Tatarska džamija u Nemi